

OMUKWETU

Registered at the General Post Office as a Newspaper



Tate Dumeni oku li peni ano? Tala kep. 2

OKATONGOTONGO MONGERKI NAKA KCTOKELWE

Ombilive ya za kombelewa yoongerki adhihe oonkwaluther dhomuumbugantu waAfrika (FELKSA), oya tuminwa koongerki adhihe dhi li iilyo mehanganu ndyoka. Ombilive ndjoka Epangelongerki lyaELCK, olye yi tumuwo yi ka leshelwe omagongalo.

Elalakano lyayo olya tumbulwa mo, kutya okumaligela kumwe oongerki oonkwaluther. Omwa tiwa: Ethimbo olya pya oongerki dhi monike tadhi katuka dhu uka melalakanu lyuukumwe. Etaambathano miiuvithilo nomoowalitali mokati kaakwaluther ayehe pwaa na etalwo "lyomuhoko" nenge "lyelaka" oya tumbulwa mo.

Shika ngele ando oshitsakanithwe, nena omiyelo dhoongerki ndhoka dha kala shito dhe egulukila ashike aatiligane, otadhi ka egulukila ihe omuntu kehe. "Etaambathano lyolela lyaantu ayehe koombinga adhihe nesimanekathano, oyo ehempululo lyetu molwesilohenda ndyo a lye egulukila omuntu kehe," osho mwa nyolwa.

Opwa kumagidhwa mombilive ndjoka yopausita, aakriste ya kotokele omaudhigu haga zi momayooloko gomithigululwakalo dhoongerki. Omayooloko ngoka "oga mena muule notaga eta ontongo nomanga inaaga kolekwa nokuli pampango."

"Inapa kala nando eyooloko nenge etopagulo lyongerki ndyoka tali tsu kumwe naandyoka lyomonkalathano mokukala kwetu, oshoka Ongerki kayi shi yomuntu, ihe oya-Kalunga."

Oshishona sha ningwa po

"Ongerki oyi na oshinakugwanithwa shayo," ombilive osho ya ti. Ongerki oyo "ewi lyaapekwa yomoshigwana moka Ongerki yi li wo oshitopolwa. Oshilonga shoka oshidhigu notu na oku shi longa twaa na uumbanda omolwoshipango shohole."

Ombilive ndjika ya shainwa komupresidende gwschigongi shakwaluther ayehe mu-FELKSA, Rev. A.W.Haabelgaarn nokuamushanga omunene gwasho, Rev. K.Schamale, oya ulika uunyengwi wongerki mpoka wa zi, opo yaa tsakanithe oshinakugwanithwa shayo shoka.

"Mahilathano pokati koongundu noongundu ngoka taga tana ge vule shito, noonkambadhala okutetako Ongerki kundhoka dhokombanda yomafuta, "oyo iipundukithi yongerki iinene ya tumbulwa mombilive.

"Muuyelele wiiningwanima mbika, otatu hiya omagongalo naakwane, ngalo kehe gumwe polwe, ya longe muudhiginini okweeta po elunduluko lyopambili moongerki dhetu nomoshigwana." Osho etumwalaka komagongalo lya ti ngaaka.

OMUPONHELEWILIKINGERKI KOMBADA
YOMAFUTA

Omufitaongalo Kleopas Dumeni okwa fiile po Owambo muSeptemba eshi a ya koshoongalele shovawiliki veengerki kuSwitzerland, shefimbo lile.

Okwa talela po yo muSoomi naSwedeni nomu-Novemba ota talele po Ndowishiland na America.

Opo muDesemba ngeenge inape uya elunduluko, fimbo ina alukila keumbo, ota piti kuDenemark, England naNdowishiland.

Tate Dumeni okwa ti kutya otu na omhito imwe ihatu i kufwa nande kulyelye. Omhito ei oyo okwiilikanana nokwiilikanana nokukala meitavelo.

Omumbishopi Auala ou a tetekela tate Dumeni okufiya po Owambo, Kalunga ngee-

nge ta punike omafaneko nolweendo laye, ota fiki apa pehovelu laDesemba. Tatekulu omubishopi okwa kala moyoongalele nomomalweendo mahapu muSoomi.

Fimbo e li kwirya, Dr. Leonard Auala, okwa fimanekelwa exwamo laye moshilonga sheudifo levangeli, unene pefimbo eli lomaudjuu.

MuAmerika ovawilikingerki ova yandja edina lomubishopi kEwilikongudu loshikefa shaEdward Browning, osho omudo keshe hashi yandje ombadi yefimaneko nomaliwa omolwetandavelifo levangeli kukeshe mudifi ta hoololwa pandjele yovakonakoni.

"Okukondjifa oukolokoshi woludi keshe nokupopila ko ovafitandaka, Ongerki yetu otai shi tale kutya, eshi ombinga imwe yehepaululo levangeli laKristus." Osho omubishopi a popile fimbo kwa li muAmerika 1972.

SATANA, UUYUNI NONYAMA OYO OLUNZA LWOOMPOSI

(Luk. 12:35-40)

Omuvali nomuleli gwokanona oku na omikalo odhindji mokukotheka okanona ke, opo a vule okulonga iilonga ye kee na omapiyaganeko. Omundohotola opo a tande omuntu nuupu pwaa na eipangelo lyomutandwa, ote mu kotheke. Ekotheko lyokanona nolyomutandwa oge na elalakano ewanawa lyokukwatha omumvu a mone eyaluko. Ihe ope na omukotheki gumwe ta kotheke nelalakano ewinayi, oye satana, uuyuni nonyama yetu yene.

Satana ota kotheke aantu niikolitha. "Inamu kolwa komaviinu moka hamu zi uuwinayi kehe." Ef. 5:18 Aantu yaKalunga otaa kothekwa nomaliko guuyuni mbuka Mat. 6:19 ngoka tase ya dhimbitha Esiku lyevululuko. Yamwe oya kothekwa kesimaneko lyiikalunga, kuunganga, ketondathano, koontamanana, kondjahi, komakotokelo, kefupa nokomakuthathanopo.

Uunkolwi owo oshikumbathar shondilo moka aakuluntu naagundjuka naanona mumwe naahungimwenyo taa gono owala. Jesus ta ti: Tonateni.

Aantu yamwe oya kothela msikukutiko, meshokokalunga, muuntsa, nomokwaavulika kaantu nokuKalunga nomokwaaidhilika nokwiihumbatela oondjo. Jesus ta ti: Tonateni, oshoka inamu tsoya ethimbo nosiku te ya.

Omukriste oku li muuyuni woomposi dhuulunde. Uuyuni pamwe nokukala kwawo, otaningi omuntu omuposi, ta kotha, e li moshiiwili. Omukul' i sho a tala oshiponga shika, ota kumagidha nuudhiginini ta ti: Tonateni.

Oombwetelo dheni nadhi kale dha mangwa. "Zaleni iikondjitho ayihe yaKalunga, mu wape okwiipopila esiku ewinayi nokukala omuthika, ~~mwa~~ tonata, ngele mwa gwanitha ayihe. Ef. 6:13.

Oolamba dheni nadhi kale dha hwama. Oohapu dhoye Kalunga odho uyelele mondjila yandje nonyeka yokoompadhi dhandje Ps.119:105.

Ngele muukriste wandje otandi ende ndaa na oohapu dhaKalunga, Jesus ota ti: Tonata.

Egaluko lyaJesus otali pula ndje etonato. Okutegelela eso lyandje otaku pula ndje etonato. Okukalamwenyo kwopakriste otaku pula ndje etonato.

Iinkumbi omulongo mokutegelela ombushiki oya li ya nyengwa okutonata. Ayehe oya kotha. Omupya ogwa li puyatano mboka ya kotha oolamba dhaa na omahooli. Meyele ndika Jesus ota londona: Tonateni. Mat. 25:13 Omvulwe yuuyuni oya kwa-

tele Petrus nooyakwawo meyana lya-Getsemane. "Simon, owa kotha, ino vula okutonata: pamwe okathimbo? Tonateni ne mu galikane mwaa adhike kemakelo."

Ewawu unina ote ya pula natango. "Natango tuu omwa kotha notamu vululukwa?" Mark. 14:37,41.

Tonata ano ngoka to kotha ngoye u yumuke kuusi, Jesus Kristus note ku minikile Ef. 5:14

Omuwa Jesus ote ya kutse ethimbo ndyoka inaatu li tengeneka, te shi yeleke nomunegumbo a za po. Aanegumbo lye oye na oku mu ilongekidhila ethimbo alihe, uusiku nomutenya.

Mokutegelela kwandje eso lyandje nepangulo negaluko lyOmuwa gwandje, onda pumbwa etonato lyomuntu gwomeni. (Titus Ngula)

OMALUNDULUKO AMWE MOVANASHILONGA
MONGERKI

Epangelongerki laELOK, ola ufa nola tokola omufitaongalo Jesaja Wahengo a ka kale omufita omuyakuli meongalo Endola okuhovela efiku lotete laJanu-ali 1974.

Tate Wahengo okwa kala omufita omwili meongalo Edundja moule weedula mbali da pita. Paife eongalo olo O-la fiilwa moshisho shomupashukilishitai a tale nhumbi te li monene ovafita ovayakuli, fimbo inamu nangekwa omufita e lili.

Omutumwa Matti Seppälä neumbo laye otava tembukile odula tai uya koshitaingerki shokounininginino, mOkahao.

Meme Raili Seppälä okwa longa neenghono adishe mofikola youteku wovanamaumbo ei a hovela mEngela konyala oule weedula 6 da pita. Paife eendunge daye ote ke di tukulila vali ovahongwa mofikola inya inene mOkahao.

-4-

"KRISTUS TA SINDANA"

(dr. L. Auala)

"Tse otwa li tu shi aniwa otatu gamene ombili yi kale muNamibia, ihe Epangelo lya S.A. otali tanga ashike oveta nelandulathano notali shi ringi nethiminiko ndyoka itaali eta nando ombili." Osho omumbisofi dr. Leonard Auala a popi omasiku ngaka.



dr. Leonard Auala

"lengelokumwe alihe ehali pula einekelathano lyomohole nolyuukuume, ihe iilonga yaapolisi otayi hulitha pe einekelo alihe nehalo lyokulongela kumwe."

Omumbisofi Auala okwa kala ngashingeyi omwedhi netata muSoemi, moka a kala miigengi yelongelokumwe pokati komatamo taga longo mekati ketu nokoongerki onkwaevangeli muka.

Komapulo gamwe ngoka e ga yamukula mekwatathano nonkalo yOngerki mpaka, omuwilikingerki Auala okwa ti:

"Pethimbo ndika Aanamibia eye na omakwatho nekwatathano enene tali zi pendje. Mpaka okwa tumbula oombilive ndhoka dha zile kOngerki yomuAmerika noyomuCanada tadhi popile ekondjo lyaavalelwano.

"Ndhika odha li dha kumike Aanamibia omukumo."

"The epangelo lya S.A. sho lye shi dhimbulula, otali kambadhala okuteta po ekwatathano ndyoka. Ihe tse otatu tsikile okukala mekwatathano noongerki dhilwe nonkalo kehe tatu vulu sigo twa sindana. Na Kristus Oye ta ka sindana esindano lya hugunina."

Omumbisofi okwa ti natango, kutya Epangelo otali imbi onkambadhala dhaaluudhe sho taa kongo uwanawa wawo

Omumbisofi ina popila omukalo epangelo tali ikongele ongundu onene yaantu nethiminiko, ye ina popila omathiminiko gaapolisi nokuhepeka komalutu mboka ya kwatwa omoluupolotika.

Ayihe mbika "oya pendutha maantu oyendji eiuvo ewinayi." Osho a ti.

Kombinga yepulo lyonkalathano yoongerki onkwaluther dhaaluudhe dha hangana noyaandowishi ndjoka inaayi ya natango mehanganano VELKSWA, omuwilikingerki Auala ngoka e li wo omupresidende gwaVELKSWA, okwa ti:

"Tse kombinga yetu aaluudhe otwe ya tegelela ethimbo kehe ya hangane natse, ihe yo aasita yawo nando oye shi hala, iilyo yOngerki itayi shi vulu, oshoka oyendji aapopili yokatongotongo.

Ano otashi ya pula natange ethimbo ya vule okuhangana naaluudhe. Otaa nyengwa wo ekutaamba aasita mboka taa kondjitha okatongotongo."

++++

Omumbisofi Auala okwa pewa omasiku ngaka ombandi yesimaneko kaawilikingerki yomuAmerika omolweuvitho lyevangeli. (Tala kepandja 2)

EHANGANO LOVALIHONGI

O V A K R I S T E (S C M)

Ehangano lovalihongi ovakriste ola li noshongalele shalo shokomudo mofikola ya-Ngwediva, eti 30.8-3.9.1973. Omwa li ovalihongi ve dule 370. Kakele kofikola inene yaDibo, St. Mary's High School nofikola youhaku yaShakati, omo vamwe vomovalihongi vamo va kala modolongo pefimbo loshongalele, ovalihongi okwa li va dja meefikola adishe dinene dokombada yostanda V1 mOwambo.

Oilyo ya kala mOdolongo, inai dimbura koi-lyo. Eeno, ondi na oondjo inadhi hempululwa moluumbanda, ohoni, uunssa, eimbembeleko, ondhino neikukutiko, mbika tayi zi momutongi satana. 2 Kor. 13:5.

Kakele koipopiwa i lili noi lili ya yu-kilila onghalo yovalihongi i na elalaka-no okutunga onghalamwenyo yopakriste no-yelao mefimbo eli ovanyasha va nyengwa okuyoolola omodola neputuko nove na ou-nyengwi okutaalela oikunduki ve li ve li ovakriste lela, opwa kala yo eetundimbi-beli da kwata moiti.

Aishe oya findikilwa keenghundafana da diinina, nande apa tapu hololwa paxupi oikundafanwa yomungudu veetundimbibeli ashike.

Konima yotundimbibeli keshe, okwa yandjwa alushe efimbo la wana okukundafana omae-pulo oo a yandjwa komuningitundimbibeli nelalakano lokukonakona etumwalaka lotu-ndimbibeli, ovalihongi ve li liyukilili-fa voovene. Mokangudu keshe omwa kala ovanhu konyala 15.

Omapulo nomanyatnkulo

Oikundafanwa imwe youngudu patundimbibe-li oya li ngaha:

1. Onda hala tuu okukonakona oku-kala kwandje kwomeitaalo koshipala sha-Kalunga?

Ey. Eeno, onda hala okwiikonakona, Mbepo Muyapuki na tompele ndje omayonagulo gandje. Ef. 51:3-6 Rom 7:18-19.

2. Methimbo ndika oyendji sho taa iteka po eitaalo, ngame ondi li tuu mu-lyo?

Ey. Eeno, ondi li meitaalo, ihe otandi indile Tate Kalunga a gwedhele ndje ko natango, ngashi ndyoka tali zi mokana kOmupsalni sho ta ti:

"Oondundu nando dhi tenguke niikulundu-ndu nando yi kakame, ngame itandi ku dhimbwa, Omuwa.

3. Ondi na oondjo inadhi hempulu-lwa, omolwashike?

4. Ondi na tuu eitaalo tali i-nyenge?

Ey. Eeno, ondi na eitaalo tali i-nyenge ngele li na iilonga Jak. 2: 14-17

5. Jesus okwa mono tuu eha momwe nyo gwandje?

Ey. Jesus oku na mo eha, ngele ta-ndi kala noondjo dha dhimwa po no-nda mona ombili momwenyo gwandje. Ombili ndjika oyo tayi loteke omwenyo gwandje... Eimbilo 621

6. Omeho gandje geitaalo oga taa lela peni?

Ey. Oga taalela komuhupithi gwandje, Jesus Kristus. Heb. 12:1-2

7. Ondi na tuu ehala okulesha Ombimbili, okugalikana noku ya kUula-lelo Uuyapuki?

Ey. Onda hala okugwanitha ayihe mbika "Ombepo oya hala, ihe onyama onkundi" Mark. 14:38, Rom 7:18. "Ihe Kalunga na hambelwe omolwa Jesus Kristus." Rom. 7:24-25.

ONDE YA MUUYUNI, OPO AYEHE ... YA KALE NOMWENYO NONEGWANENENO.

Ayehe oya thiki tuu megwaneneno?

Eya Ayehe inaa thika mo, ihe Jesus pamwe nOmbepo ye Ondjapuki, ota gongele ayehe opo ya thike mo. Luk. 13: 23, Fil. 3:12-14

Ohatu pandula Kalunga omolwomapuniko aye mokati kovanashongalele ve a mona, notwa hala a twikile mokati ketu nokomesho.

Tatu halele yo ovayakuli vetu aveshe moipopiwa yavo epuniko linene. Oshongalele osha wilikwa ku Rev. A. Kaulinge.

E P Y A L Y E T U M O M E T U N D A
O T A L I K O K O

Kokule muunininginino wOwambo, omu na Omulonga, Kunene nomakuti omanene. Nonando omeya otaga tondoka esiku kehe nevi ewanawa, eha ndika itali kalwa kaantu oyendji. Naamboka taa kala po, kaye shi Aawambo. Oyendji otaa kala natango muupagani, nando evangeli olyi ilikolele wo ongundu yooitaali. Oshilonga shetumo osha longo ethimbo ele hwiyyaka, ihe tu taleni ano nkene sha tameke.

Aapagani momaha ngoka oya popithwa shito kaatalelipo yowala, ~~astumwa~~ nAawambo pomathimbo nomathimbo, ihe shoka inashivula okweeta iiyimati oyindji.

Sho ombepo yepapudhuko ya taandele mCwambo momunvo 1952, oluhepo lwaapagani lwa dhimbululwa wo naanaa. Pontaulula yCwambo nCputu, opwa li pu na aantu mbo-ka ya za kCputu nopalwe wo.

Aasamane Aawambo yaali, oya tameke okudhingoloka nokuuvithala aantu evangeli. Aakokoli mboka oyo aasamane Max Antonio na Soini Nuuyoma.

Ethimbo lya pi okupulakena evangeli nelongo. Eha lyosikola lya kongwa nopwa holoka eha tali opalele osikola, olyo omukunda, **E T U N D A**.

Omusamane Nuuyoma a tembukile ko nokwa tameke okudhiginina okulonga aanona nokuuvithala aantu evangeli. Oshilonga osha humu komeho nuudhigu, ihe ngoka e tu uvanekele okukala pamwe natse, esiku kehe, okwa yambeke iilonga. Iiyimati oya

holoka po, ongundu yaakriste ya tameke.

Poomvula omilongo mbali, Etunda olya koko shili. Eha lya ningi nokuli ondinga yomapya getumo kombinga yuumbangalantuninginino.

Ngashingeyi oku na osikola yomomuhandjo yaamati noyaakadhodhona, osho wo yoshigwana, nando omatungo gEtumo oge na natango oshilonga.

Aanona otaa zi mo momikunda dhopepi nodhokokule ya longwe mEtunda kaanashilonga yCngerki noyoshigwana.

Ctatu pandula Kalunga ngoka omudhiginini nomuyambeki. Oshilonga shetumo osha yambulwa nonando omaimbo o-
po ge li natango ngoka taga lalakanene okukandula po oshilonga shoka mEtumda.

Elalakano enene li li po ngashingeyi olyo okutunga Cngerki peha ndyoka, ihe Kalunga oye mwene ta tseya kutya uunake efaneko ndika tali ka gwanithwa. (Matti Seppälä)

HETEKELA OLA ETA NALE OIIMATI

Moshoongalele shoshitaingerki shaUkwanyama shoneudo mCndobe, pa endululwa, kutya ovanhu ovo tava longo momapya etumo, va ende momaongalo okupopya oshilonga nokunyamukula omapula ovakwaneongalo. Eshi twe shi hetekela, otwa mona kutya ehala oliyadi movakriste okulonga oshilonga eshi.

Ava tamu longo metumo, endeni momaongalo mu hokolole oshilonga nhumbi shi li paife neemhumbwe dasho. Unene hokololeni oiimati oyo ya etwa kusho mokati kova-paani. Momaongalo omo mu na eenguu doilonga noungudu vetumo, ifaneni omutumwa umwe, eongalo li mu pule omapulo. Omahangano oshilongatumo taa tulu yo okutalela po omapya etumo, unene omo tamu longo omutumwa wavo, va tale oilonga yaye.

Nave mu ifane yo moshoongalele shongudu yetumo, opo a hokolole ile va kundafane naye oshilonga. Bongalo nge tali ningi oshivilo shetumo, namu hokololwe omapya etumo omCngerki, moshitaingerki nomeongalo, opo ovanhu va shiive eenguduwiliki detumo mCngerki, moitaingerki nomomaongalo. Cyongalele yetumo nai ningilwe yo poinagoga, hapeengerki ashike. Cvafitaongalo nava longekide nawa oyoongalele noivilo yetumo momaongalo nomomikunda. Ondi lweta efimbo ola pya eongalo keshe li kale li na omutumwa walo mepya letumo, hali mu file oshisho.

TU LONGELENI OMWENE NEHAFO.

(Paulus Andreas)

ONGHALAFANO HAMUKUNDU

1.

Ino fy ohoni omulaulu woshipa shoye,
Owo efimano nomutumbo woye washili,
Tau holola kutya oove lela
Omuyafrika washili kokudalwa.

2. Ino fy ohoni eehwiki doye de litonya,
Eyulu lixupi nomesho oye oshilaule.
Ei aishe oyo oundombwedi woleta,
Tau holola ondilo yoye yopanhu.

3.

Ino tala oluvala, tala onunhu,
Omutilyane nOmulaule kave lidule.
Aveshe ove na ondilo imwe yopanhu,
Nande koshipala neehwiki va yooloka.

I N O U Y N O O N O M A W O I O I E D W A P E

E W M U K 4. U Ino dina nande onunhu molwoluvala,
Momayakulo meembelewa nomeepoosha.
Ovalaule novatilyane aveshe kimwe,
Eyakulo li fike pamwe tava pumbwa.

5.

Ovakulunhu kokudalwa nopakuyelwa,
Voludi keshe u fimaneke shi fike pamwe.
Omulaule nOmutilyane kave lidule,
Nokoshipala shOmushiti aveshe vamwe.

6. Eholoko loye komunhu keshe lungamena,
Li yandje shili oshihopaenenwa tashi tungu.
Efimbo eli okwa pumbiwa ongahalafano,
Ya hokiwa kovanhu aveshe vomoshilongo.

7.

Mohole yaye, hamoutondwe Kalunga a shita,
Oiwana ihapu mounyuni ya yooloka.
Eyoooloko lomaluvala Kalunga a hala,
Ewapalo meshito laye li monike.

8. Oluvala noludi itali dulu,
Okukeelcla tu kalafane ngovanhu vamwe.
Ovalaule nOvatilyane mongudu imwe,
Eedi domufita umwe moshiunda shimwe.

I N O U Y N O O N O M A W O I O I E D W A P E

9.

Outondwe neshekafano kali na nhele,
Momitima di na oukriste nohole yashili.
Onghalafano yovakriste yokedu eli,
Nai kale oshihopaenenwa shomeulu.

10. Kalunga umwe aeke twa itavela,
Ohonde yOdjona imwe aike twa kulilifwa,
Meulu limwe alike twa teeelwa
Omwenyo umwe auke hatu ka pewa.

(A.L.Nghifikua)

shimba tali nyika vai, ola dja vali mOwambo la ya nounyuni eshi onadengo ovapolitika a hovelwa meembelewa doilongo nomafininiko okute-mbula ovanhu poilonga yavo nopeenhele opo va dalelwa, taa longifwa Eshi Epangelo lOwambo otali shi fimaneke noku shi tanga, kutya osho naanaa onghedi iwa yokudiinina omifyuululwakalo, fimbo ounyuni aushe tau shi pangula, kutya osha nyika oulai nokashi fi shopanhu (barbarisme).

Epangelo lOwambo omolwomadengo aa, otali indilwa li yandje ehokololo mohofa, shiimba 23 Novomba.

Ashike ohamba Filemon Elifas, omini-steli ikulunhu mOwambo, oya udika tai tongo moradio Owambo kutya:

Vati itashi ka talwa vali onheni ngeenge Epangelo la S.A. ile ohofa yonhumba tai lidopo moinima yomalelo oilongo pamifyuululwapangelo.

Ohamba Elifas oya li ya anyena yo Johannes Nangutuual; Andreas Nuukwawo, naJohnny Otto va pewe opaasha eshi va ifanenwe kohofa. Konima opaasha ove i pewa, eshi ohofa yaVenduka ya fininika.

Omadengo ovanhu komataka ovalumenhu novakainhu panghedi ya tya ngaha, okwa dimbulukifa ovanhu eshi sha ningilwe kohamba yomOndonga, Martin A-Shikoto 1967 eshi ya kufile omunhu omesho, omukalo woshitrafa pamifyuululwakalo. Osha li inashi popilwa koveta.

Ombelewa yOngerki oya tambula yo o-matumwalaka ehekeleko omolwoshiwana nOngerki eshi ya hangika komadengo e fike apa.

Johannes Nangutuuala, Andreas Nuukwawo naLot Homuteni ou a manguluka neudo kOnhunhu yeenghwate (Robben-land) ovo vamve vomuvahapu va dengwa nova hakulwa moshihakulilo.

Va pita mo

Eenghwate dikwawo da kala modolongo mOwambo okudja Auguste, nado oda pi tifwa mo noda yandjwa komapangelo oilongo oko va ka dengwa omapokolo ile va futifwa.

Erastus Sjamanah, Jon then Shoomba, naImmanuel Engombe, Nestor Shanyengana naMetusalem Tulipohamba ovo va kala mongudu ei.

Omapokolo 20 fiyo 30 ile ofuto R 60 ile R 70 osho sha kala ostrafa yavo pamayooloko.

OMULUUDHE OKU SHIKE

PAANTU AYEHE

Omolwashike Kalunga a shita ndje omuluudhe? Ndika epulo li na okuyamukulwa kuuteologi waAfrika mboka tau konakona ehupitho lyomuluudhe. Ongerki nayi shituluke, opo ehempululo lyomuluudhe li pulakenwe wo, shota hempulula eitaalo lye lyopakriste---- Manas Buthelezi.

- Ongomukriste ohandi kumaida oshiwana shiha nyonaune po ekwatafano liwa lomihoko. Oilumbu novalaule otava nyono oshipango shOmbibeli.

Oilumbu otai sheke ovalaule novalaule otave shi tambula. Omadina ngashi "Bantu" ile "hoshilumbu" (nie-Blank) kamu na efimaneko lasha.

Vahapu otwe shi kufa mo butya Kalunga okwe tu shita tuvalaule notwe shi hafela----
(Riundja Ali)

+++++

OMUKWETU

Oye oshifo shOngerki onkwaevangeli pa-Luther yomOwambokavango

Ohashi nyanyangidhwa mOniipa Omukuluntu gwoshifo, omumbisofi dr. L.A-uuala. Amushanga Rev. Sebulon Ekandjo Ondando yOshifo komumvo muSuidwes nomAfrika alihe R 1,00 kombanda yomafuta R 2,00.

Oondando nomambesitelo naga tuminwe kOmukwetu, Oniipa, P/Bag 2013, Ondangwa.

Omatseyitho agehe gomuntu mwene ge na sha noshinima she mwenemwene otaga futilwa kumwene gwasho.

Owambokavango Church Press
Private Bag 2013, Ondangwa SWA